



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sulpici[i] Severi Presbyteri Opera Omnia

Sulpicius <Severus>

Amstelodami, 1665

Enumerat omnes Reges Syriæ usque ad Epiphanem.

urn:nbn:de:hbz:466:1-11490

Paulo (ut diximus) Crassoque consulibus, ¹ post quinquennium fere quam ² Antiochus regnare cœperat.

- ¹ XXVIII. Sed ut temporum ordo confertus sit, ac liqueat evidentius, quis hic fuerit Antiochus, regum qui post Alexandrum in Syria fuerunt, & nomina & tempora enumerabimus. ³ Defuncto, ut supra retulimus, rege Alexandro, ab amicis ejus regnum omne divisum, ac regio nomine aliquandiu administratum est. ⁴ *Seleucus*, post novem annos, in Syria rex est appellatus, regnavitque annos duos & triginta. Post eum ⁵ *Antiochus* filius ejus, annos unum de viginti. Inde *Antiochus*, Antiochi filius, ⁶ qui & *Theus* cognominatus est, annos quindecim. Post hunc *Seleucus* filius, cognomine ⁷ *Callinicus*, annos unum & viginti. ⁷ Item ⁸ *Seleucus* filius Callinici, annos tres. Hoc defuncto,

Antio-

¹ *Post quinquennium fere.*] Superfluit dictio *fere*, ut sæpe alias. Nam Antiochus regnare cœpit anno Græcorum cxxxvii. à quo quintus est annus cxxlii. Consule priorem Machabæorum. *Drus.*

² *Antiochus.*] Multi, quos inter Fr. Iunius, putant hunc Antiochum nomine Gogi describi à Prophetis. Certum est Asiam minorem nomine Gygis, famosi Lydorum Regis, aliquando dictam. Unde Poëta Gygeum Caystrum & lacum vocat. Ubi Lipsius male *Cygnem*.

³ *Defuncto Rege Alexandro.*] Autor prioris Machabæorum scribit vivo adhuc Alexandro id factum esse. Qua de re diximus antea. Nam videtur Danielem secutus. Cæteri tamen cum Sulpicio consentiunt, etiam Iosephus. *Drus.*

⁴ *Seleucus post novem annos.*] Eusebius xii. annos habet. Seleuci regis exordium novam aram in Oriente peperit, qua Iudæi plurimum usi sunt, postquam sub Græcorum dominatu esse cœperunt. Hanc aram *Terik dhibkarnain* Arabes vocant, id est, epocham Ἐξέρας , *cornigeri*. Is est Alexander M. qui se Ammonis, sive Jovis cornigeri filium existimari volebat. Ita passim Albatenius eam appellat. Iudæi שפירון בני א-ram contractuum, quod illam ad obli-

gnandos contractus adhiberent: est de appellationis origine minus constat. Illud extra dubitationem est, hujus initium epochæ ab illo anno procedere, qui ante Christianam aram putatur ³¹². & est Per. Jul. 4402. quo 117. Olympias iniiit. *Petavius*. De regibus Syriæ, vide Appianum in Syriacis, Justinum, Livium, & alios.

⁵ *Antiochus.*] Σάσις , qui novercam adamavit, & postea Gallos in Asiam irumpentes repulit. *Drus.*

⁶ *Qui & Theus cognominatus est.*] Id est, Deus. Hunc pater ex noverca genuit, quem post uxor ejus veneno sustulit. Theum autem primi cognominaverunt Milesii, quia Timarchum eorum Tyrannum occiderat. *Appianus*.

⁷ *Callinicus.*] Gallinicus est apud Eusebium & Funceium. Hunc pater Antiochus à Laodice genuit. *Drusus*. Hoc cognomentum & Herculi tribuit cum Luciano Plutarchus, & Martyribus Zonaras. *Bernec*.

⁸ *Seleucus filius Callinici.*] Qui Κεραυνός dictus, & πύρων . Imperio præfuit annos tres, nec à valetudine firmus, nec ab opibus. Quocirca exercitum continere in officio non potuit. Appianus autor eum sublatum fuisse veneno, purgato-

² *Antiochus* frater *Callinici*, ² *Asiam* & *Syriam* tenuit, annos septem & triginta. Hic est *Antiochus*, adversus quem ³ *Scipio*, *Africani* frater, bellavit: quo bello victus, & ⁴ imperii parte multatus est. Hic duos filios habuit, *Seleucum* & ⁹ *Antiochum*, quem obsidem Romanis dederat. Ita *Antiocho* ¹⁰ *Magno* mortuo, ⁵ *Seleucus* ejus filius, natu minor, regnum adeptus est: sub quo ⁶ *Oniam* sacerdotem ⁷ à *Simone* infimulatum

puratorum perfidia, post exactum annum regni alterum. *Drus.*

1 *Antiochus frater Callinici.*] Qui primo ἰσχυρὸς dictus, ob rapacem naturam. Vide *Strabonem* 16. *Justinum* 27. Postea ob victorias & imperii amplitudinem, Magni cognomentum accepit.

2 *Asiam & Syriam tenuit.*] *Asiam*, victo *Achæo*, *Mediam* quoque, *Perisiam*, *Hircaniam*, *Bactrianam*, & omnes excepta *Parthia* superioris *Asiæ* provincias, recepit. *Polyb.* 7. 8. 10. 11. *Justin.* 41. *Appian.* in *Syriac.* *Judæam* quoque *Ægyptio* Regi eripuit. *Ioseph.* 12. 3.

3 *Scipio Africanus frater.*] *L. Scipio* Consul, *P. Scipionem* *Africanum* fratrem legatum habens. *Justinus* 31. *Livius* 34. *Appian.* *Syriac.*

4 Imperii parte multatus est.] *Pacis* leges *Antiocho* ita datæ fuerunt, ut *Europa* omni abstineret, *Asiaque* omni, quæ cis *Taurum* montem est, decederet: pro impensis autem in bellum factis xvclo. talentorum *Euboicorum* daret, mille talenta per xli. annos penderet. In *Chronico* *Eusebii*, Post prælium quo in *Thermopylis* est victus *Antiochus*, hoc inter Romanos & eum convenit, ut mille talenta per annos singulos vestigalis nomine eis solveret. *Drus.* Unde *Tacito* *Histor.* 2. *Antiochus* dicitur *inservientium Regum* ditissimus. Vide *Grotium* 3. De *Jure Pacis & Belli* 15.

5 *Seleucus ejus filius.*] *Philopator*. De quo *Dan.* 11. 20. *Ioseph.* 12. 4. Hic *Danieli* dicitur prævaricator & turpi *manigonio* regnum infamans, ac tributis lacerans. Hunc *Iosephus* *Soterem*

vocat. Sed *Seleucus* hic non magis *Soter* fuit, quam *Philopator*. Siquidem hæc elogia ab adulatoribus tam putida assentatione imponebantur, ut in contrariam partem pleraque sint accipienda. *Capellus.*

6 *Oniam sacerdotem.*] Qui 111. hujus nominis. Ab ejus filio *Onia* conditum templum in agro *Heliopolitanæ* præfecturæ prope *Memphim*. Quod aliud est ab illo quod *Onias* *Simonis* *Justi* filius extruxit. Quæ duo templa multi imperite confundunt. Nam hoc in *Alexandriæ* præfectura. Tempus, locus, persona utriusque invicem discrepat. Et *Judæis* extra patriam degentibus, non solum in *Ægypto*, sed alibi eriam fuisse templa complura (quæ tamen ex jure *Ebraico* semper damnanda) manifesto liquet ex *Oniæ*, *Oniæ* tertii filii, libello supplice *Philometori*, apud *Iosephum*, de templo *Leontopolitano*, porrecto. Et vix dubitare queo, *Strabonem* de *Ebræorum* aliquo, in *Ægypto*, templo locutum esse, ubi verba faciens de *Ægyptiaca* Templorum extruendorum ratione, ἐστὶ δὲ ἕως, inquit, καὶ πολὺς ἐν οὐρανῷ, καὶ γὰρ ἐν Μίμφιδ βαρβαροῦ ἐχόν τὴν καὶ ἰσχυρὸν. Πλὴν γὰρ ἔμεγαλως εἶναι καὶ πολλὰς, καὶ πολυσίχως τὰς εὐχὰς, ἔθεν ἐχθροῦ ἐν, ἔδεν γὰρ φησὶν, ἀλλὰ ματαίωπιαν ἐμφανὲς κερδῶν. *Seldenus.* Vide eundem 1. de *Succell.* in *Pontificatum* viii.

7 *A Simone infimulatum.*] De quo paulo ante egit.

11 infimulatum, diximus. Tum ¹ Antiochus à Romanis dimissus, datusque in locum ejus obses Demetrius Seleuci regis, qui eo tempore regnabat, filius. Seleuco mortuo, anno imperii duodecimo, regnum frater *Antiochus*, qui Romæ obses fuerat, occupavit.

¹ XXIX. Is ² post quinquennium, quam regnare cœperat, ut supra docuimus, Hierosolymam depopulatus est. ² Etenim grave Romanis ³ stipendium pensitans, ipse, immensis sumptibus, pene necessario cogebatur pecunias rapto quærere, neque ullam prædandi occasionem omittere. ³ Post biennium deinde, pari rursus clade affectis Judæis, ne forte frequentibus malis compulsi, bellum fumerent, ⁴ præsidium arci imposuit. Inde ⁶ sacram legem evertere aggressus, mittit edictum: *ut omnes, relictis majorum suorum tradi-*

1 *Antiochus à Romanis dimissus.*] Si obses dabatur à rege ad fidem fœderis confirmandam, ergo à Seleuco rege obses erat repetendus. Quare Romani dimisso Antiocho, qui post Epiphanes dictus est, Demetrium regis Seleuci filium obsidem receperunt. *Sigon.*

Antiochus.] Hic est, *Ἐπιφάνης*, de quo supra, Danieli cap. 11. vs. 21. *ἔπιφάνης, אַנְתִּיּוֹךְ*. Spurcitiem vel hinc agnoscas, quod Timarcho Babyloniam, Heraclidæ ærarium commisit. Erant hi fratres, & ambo Antiochi exoleti, *ἠντιόχῳ*, inquit Appianus Syriacis. *Capellus.* Hic videtur esse Gog Prophetarum. Quod tum ex historia ostendi potest, & ex nomine apparet. Nam ex *ΑΝΤΙΟΧΟΣ*, si initium & finem tollas, fit *ΙΟΧ*, quod Prophetæ alludentes ad Magog, quæ Syria, Gog efferunt. *Horn.*

² *Post quinquennium.*] Cum ex Ægypto, quam subito invaserat, Senatus mandato recessisset. Id gestum est anno regni Græcorum *cxliiii.* ut habetur *1 Machab. 1. 21.* unde videtur potius legendum *post sexennium.* Ita *Funccius. Drus.*

³ *Stipendium pensitans.*] Gravi tributo

pacis à Romanis victus oneratusque. *Justinus.*

⁴ *Post biennium deinde.*] Anno *cxiv.* regni Græcorum, *1 Machab. 1. 57. & 11 Machab. 5. 11.*

⁵ *Præsidium arci imposuit.*] Quam extruxerat in superiore urbe, quæ à Davide nominata. Vocatur enim *civitas David*, *1 Mach. 1. 35.* Demolitus *mœnia in inferiore urbe arcem condidit*: erat enim editiore loco sita, ipsi templo imminens. Quapropter bene prius firmata mœnibus ac turribus, Macedonicum præsidium imposuit. Admixti tamen erant ex impiis Judæis scelestissimi, à quibus plurimum vexata fuit civitas. *Josephus Antiq. lib. 12. cap. 7.* Arx hæc *ἀκρόγ* dicitur, id est, *ἡ ἄκρον πόλις. Drus.*

⁶ *Sacram legem evertere conatus.*] *1 Machab. 1.* Et scripsit Rex Antiochus omni regno suo, ut esset omnis populus unus, & relinqueret unusquisque legem suam, & consenserunt omnes secundum verbum Regis Antiochi, & multi ex Israël consenserunt servituti ejus, & sacrificaverunt idolis, & coinquinaverunt sabbatum, & misit rex libros per manus nunciorum in Hierusalem, ut sequerentur leges gentium terræ, & prohiberent sacrificia & celebrari sabbatum. *Sigon.*

I Dis